



**Ein Sendtbrieff Ciui-
lij eines Italieners an seine liben
Christen inn Italia / in welchem er sie
tröstet vnd vermanet zur bestendig-
keit in der bekäntnis des waren
Christlichen glaubens.**

Matthai 10:

Wer mich bekennet für den menschen / den
wil ich bekennen für meinem himlischen Vatter
Wer mich aber verleugnet für den menschen /
den wil ich auch verleugnen &c.



Ein Erbschafts-
 Inventar
 des
 Erblassers
 des
 Erblassers
 des
 Erblassers

In
 dem
 Erblasser
 des
 Erblassers
 des
 Erblassers



Civilius ein Knecht Gottes / vnd vn-
sers Herrn Ihesu Christi wunschet den aufer-
welten Gottes / seinen Brüdern / so in ganz Italia zer-
strewet sein / Gnad / Fried / vnd sterckung des
Geists / von Gott dem Vatter vnd
Christo vnserm Herrn / Amen.

IST jemals die Heilige Kirchen ver-
folgt worden von dem grausamen
Feindt / Ist jemals das Creutz blutig
gewesen / von dem Blut der Christen /
Ist jemals der Glaub der auferwelten gereit-
tert worden vom Teuffel / Ist jemals not ge-
wesen des inniglichen gebets zu Gott dem Al-
mechtigen / die erschrockenen hertzen der Glau-
bigen zustercken / so ist es jzt zeit. Wir sehen das
volck Gottes / jzt lange zeit eingefürt in Babilo-
niam / vndergedruckt / verachtet / vnd verfol-
get von seinen Feinden / mit grosser vnehr des
Heiligen Euangelij / Vnd das vns am allermei-
sten druckt / ist / das man jzt das schwert wegt
macht das eisen gluend / vnd die verfolgung
wirdt je lenger je grewlicher / Wenig sind zu
vnser zeit (vnd sonderlich in Italia) dem Da-
niel gleich / die ehe bestendig blieben in aller mar-
ter / denn die knie biegen vor dem Abgot des
Gottlosen Tyrannen vn Antichrist. So weiß
ich für mich kein besser weise bestendig zu blei-
ben

A ij ben

ben / inn diser widerwertigkeit / Denn sich zu
der barmhertzigkeit Gottes keren / mit einem
demütigen vnd erschrockenen hertzen / vnd vn-
ser sündebekennen / vñ mit hertzlichem gebet hülf-
begeren von dem Herrn / auff das sich die Kir-
che tröste mit dem Creütze / vnd durch den tod
frölich einge zum leben. Mich dunckt ich sehe
den weizen des Hetren auff der mülle / vñ man
werde bald brodt machen / Da ist von nöten /
das wir mit ganzem hertzen fülen / die verach-
tung der welt / vnd verleugnung vnser selbst /
vnd das vns dis leben vnwert sey / wenn wir
Christum Ihesum frey wollen bekennen. Wer
sein weib / seine kinder / eigen nutz / weltliche eh-
so lieb hat / das er seines lebens fürcht / der hab
mit Christo nichts zuschaffen / damit er sein vr-
teil nit grösser mache / Es were besser du hettest
die warheit noch nie erkant / dann das du sie
kenneest / vnd machst den hundt wider fressen /
das er gespien hat. Glaub mir / es ist nit mehr /
zu disputiren / Es ist nicht mer zeit zuschreiben
von dem glauben / Es soll nun hie ein jeglicher
selbst doctor sein. Ist ist zeit zubeweisen mit der
that / vñ Christo nach zu folgen mit dem Creütze
auff der achseln / vnd sich zubereiten / onerschro-
cken zu der Marter zugehn. Die welt ist vnns
feindt / vnd wir können nicht frid für jr haben /
Dan sie krieget allezeit mit vnserm heupt. Da-
rumb

rumb laß vns auch wartē alle stundē mit freū-
den in den scharmützel zu treten / die beut zuer-
langen / vnd vnserē feind vmb zu bringen / mit
seinem eignen schwerdt. Vnnsere waffen sindt
geistlich vñ nit fleischlich / Vnnsere beut ist Göt-
lich vnd nit menschlich / das ist der rhum vnd
der trost der Heiligen.

Denn wenn der Antichrist meint er hab vns
vberwaltet / als den Triumphirn wir vil her-
licher denn vorhin. Ein Christ findet rhue am
Creutz / in dem elendt wartet er des begerten
Hierusalem / vnd in dem todt findet er das le-
ben / also das die grausamkeit des feindes vnns
nicht kan schrecken / oder machen das wir zu-
ruck gehn. Wollen wir die leüt mer fürchten dē
Gott: Die Tyrannen tödten allein den leib / vñ
haben nit gewalt vber die seel. Laß vns Gott
fürchten / der die seelen kan peinigen in dem ewi-
gen feur. Wer die hand an den pflug des E-
uangelij gelegt hat / der sehe nicht hinder sich /
denn er verzeugt den schrit / vñ macht die furch
vngleich / vnd dienet nicht zu dem reich Gottes
Wir sehen aber hinder sich / wen die liebe vnser
rer weiber vnd kinder / oder des eigen nutz /
machen / das wir mit der zungen verleugnen /
oder stellen vns / als wüßten wir nicht / das wir
mit dem hertzen glauben. Wir können nit zweie
herren dienen / wir können nit Christo dienen

A iij vnd

vñ vnserm nütze. Dife gedancken sind zweierley
vnd die anschlege sin mancherley / vnd die ding
die wir fürhabē sindt widereinander / So muß
man ja vnter zweien eins thun / endt weder der
welt dienen vnd Christum verleugnen / oder die
welt verachten / vñnd dem Euangelio dienen.
Wer sein leben findt durch verleugnung des
Herin / der würds verlieren / Vñ wer sein leben
verleurt / durch die bekentnis Christi / Der wirt
es finden im ewigen leben. Was hülfss den
menschen wen er die ganze welt gewünne / vnd
sein seel wurde danoch gepeiniget in ewigkeit ?
Wo mit können wir vnser seel erretten?

Lieben brüder thut die augen auff / vnd den
verstandt / vnd betrachtet die verenderung der
alten kirchen / sehet wie sich der gotloß Drach /
bemüheth / auff das alle welt das thier anbete.
Betrachtet / das jzt jederman vor der grausamen
Schlangen erschrocken ist / vnd nider kniet
vor dem thier / vnd spricht: Wer kan sich disem
thier vergleichen / vnd wer kan mit jm streiten?
So durffen wir keiner andern waffen in disem
streit / den Glauben vnd Gedult der Heiligen.
Derhalben ermane ich euch lieben Brüder / zu
emsigem gebet / auff das der Heri vns Italia-
nern solche stercke des Geists gebe / das wir nit
trincken von dem wein der Babilonische Hurē /
sonder on sūcht / vnser eigen blut vergiessen /
durch

durch die bekantnus Ihesu Christi. Dis ist der
grosse schmerzen / der vnnsere hertzen durch-
dringet / wenn wir sehen / das vnser Italianer
so wenig nach Gotees ehr fragen. Wer het doch
gemeint / das sie von ein wenig zeitlichs guts
wegen / solten Christo den rücken gewent habē?
O wie vil sindt jr geladen zu dem abentmal /
die ee abschlagen: Jederman deckt sein verleug-
nen zu / vnd meint es sey im zugelassen abgötte-
rey zu treiben / vnd sich der Religion nicht an-
zunemen. Der hat einen acker gekaufft / vnd wil
jn nit verliren vmb Christus willen / Der ander
hat fünff parochsen kaufft / vnd wil vil lieber zu
acker gehn / vff seine narung achtung haben /
vnd sich reich machen / denn mit Christo das
Abentmal essen / Der dritt hat ein weib geno-
men / vnd dünckt sich seig genug sein / wenn er
nur seine wollust mit jr kan habē / gibt sich auff
spiele / tanzen / singē vñ frölich sein / vñ gedencet
dz wort Gottes sey nur ein traum / jederman
trachtet nach seinen sachen / vnd niemant nimpt
sich vñ das an / das Gottes ist.

Die christliche kirche war nit also fleischlich do
sich das Christlich blut noch frisch reget in den
Adern vnserer Voreltern / Der glaub war da-
zumal fest vñ bestendig / die Religion war rein
vñ onuerfelscht / vñ da war kein nuzer ding in d
kirchē / den vnter den gotlosen vñ grausamē Ty-
ranē / vñ todfeindē des Christlichē glaubē lebē.

Der Glaub hat so fest eingewurzelt in die her-
zen der Christen/ das kein geferligkeit da war/
das sie Christum verleigneten / Die forcht der
verfolgung erschreckt sie nit/ der nutz vnd wol-
lust diser welt war in verdriesslich / die brünsti-
ge liebe / die ire hertzen verwandelt het in dem
Heren/ vberwant die fleischliche luste / verach-
tet allen zeitlichen nutz / die hornen des gewalti-
chen feindes/ So forchten sie auch nit die trau-
wort/ erschreckung/ schlege / elend/ peinigung/
vnd den todt / wie ein alter vnd harter fels/ in
dem wasser des Meers. O du herliches märke-
rer blut/ wie hastu die wurzel des Christlichen
glaubens so wol bestetiget? Es wirt nicht ein
tropff bluts vergossen/ von der bekentnus Chri-
sti wegen/ dardurch sich nicht vil zum glauben
bekerem. Ach wenn euch die Ehr Christi nur
ein wenig anligt / So betrachtet doch Lieben
Brüder inn guter meinung / wie heilig / vnd
dapffer die bestendigkeit vnserer voreltern war
welche wol die steinern vñ eisern hertzen möch-
ten bewegt haben / wie wunderbarlich war es zu-
sehen/ do der Christlich glaube zutif/ zubrach/
vnd vberwande die weltliche stercke.

O wie ein schedlicher tag/ der wol zu bewei-
nen ist / an welchem Constantinus den Christ-
lichen namen annam. Da zumal höret die mar-
ter auff/ welche ein prob vñ vbung war vnser
glaubens/

glaubens/ dazumal horet auff die brunst vñ die
liebe/ welche war ein bandt vnd erhaltung der
kirchen. Aus diser sicherheit wuchs ein vnsoorg-
liche nachlässigkeit in den Christē/ Ebē als wann
man einen langen fried macht / durch welchen
die Landfknecht faul vnd vnachtsam werden.
Unsere eltern waren vil emsiger vñ mer geneigt
zu leiden vmb Christus willen / do sie die gefe-
ligkeit vnd trübsal diser welt noch am hals het-
ten/ dann wir jezundt die wir gute tag haben.
Der keiser trat hinein in die Christliche kirchen/
aber nit wie einem Christen zustehet/ dan er fürct
mit ein die leibliche nutzē/ als Adel/ Weltliche
ehrt/ waffen/ pracht/ reichthumb/ vbermut/ hof-
fart/ Also fürct er dē teuffel mit sich in die Christ-
liche kirchen/ vñd wolt zwo kirchen zusamen
bringen/ als nemlich die kirche Christi/ vñd die
kirche des Antichrists/ welchs vnmüglich war/
Darumb ward die Christenheit müßig / kalt/
fleischlich vñd teuffelisch / wie wir sehn / Jene
lebendige brunst hub an gemach kalt zu werden
bis sie darnach gar zu eis gestoren ist/ der glaub
verlor sein erste stercke/ vñd die recht frumbkeit
wart vertrieben. Wer möcht nit zubrechen für
schmerzen? wer möcht nit bitterlich weinē mit
heissen augen/ weil wir sehn das die Christen-
heit in so grossen schaden ist gefürt worden/ Als
bald die Religion reichthumb gebar/ do sprach die
dochter ire mutter.

B Weil

Weil es denn mit vnsern vorältern so vbel zu
gangen ist/so ist es kein wunder/das vnser Ita-
lianer Christum so schendlich verleügnen / auff
das sie nit kumer leiden / Vnnd wenn man sie
vmb den irthumb strafft / so entschuldigt sich
ein jeglicher/vnd spricht: Ich leugne wol das
Euangelium mit der zungen/forcht halb/ aber
ich hab nicht desto weniger den rechten glaubē
im hertzen. Vnd das es war sey/so sehet jr/wen
ich nit mehr in geferligkeit bin/dz ich wider auf
ein neues anhebe/den Christlichen glauben zu
bekennen. Höre du verreterischer gleissener /
Christus spricht nit/das du in bekennes vn̄ wi-
der verleugnen solst/ vmb deines nutztes willen
sondern in d̄ größten geferligkeit solt du frei mit
dein mundt bekennen deinen glauben/so du im
hertzen hast/Du kanst nicht an Christum glau-
ben/vnd in mit der zungtn verleugnen/wen̄ du
dē Herrē verleugnest in der verfolgung. Memo-
ra wen̄ das Meer still wurd/vn̄ die welt dein
gesell/das du den glauben darnach wider wer-
dest haben/nach deinem gefallen:

Ich sage nit / das die Thür der gnaden ver-
schlossen sey / dem der sich wider zu Christo
bekert / Sant Petrus bekeret sich wider / vnd
andere Apostel kamen wider zu Christo / vnd
wurden angenommen. Aber ich sage das man
sol den Herren nicht so freuentlich verleugnen/
wie

wie man in Italia thut. Unsere Italianer meinen es gezieme ihnen / das sie in der fertigheit vor dem ganzen volck Christum verleugnen / vnd wenn sie dauon sind kommen / in den winkeln heimlich bekennen. Sehet euch für jr brüder / dz jr nicht fallet in die rache des lebendige Gottes. Denn es ist kein grösser erschreckē / noch verzweiflung / die mit grosserem schmerzen geschicht dann diese. Bedenck doch die sünde der Statt Sodoma / so werden wir die vnseligkeit vnser Italianer erkennen. Dz war die sünd der statt Sodoma deiner Schwester / O Hierusalē (spricht Ezechiel) hoffart / fülle des brodts / vberflus / müssigang / vnbarhertzigkeit gegen den dürfftigen / vnd vnzeliche andere greuel. Ich wil der abgötterey geschweigen / wil auch nit sagen von dem vnmassigen vbermuth / die mich machen die Haar gen berg steigen / wenn ich daran gedencck / Welche Sünde kan grösser sein / denn diese : Dennoch spricht der HERR So war als ich lebe / deine Schwester Sodoma hat solche Sünde nit gethan / wie du Italia gethan hast / Vnd Christus spricht in einem zorn / O Italia dir zu schand vnd schaden / diese wort / An jenem tag wirdt es der statt Sodoma trüglicher ergehn / denn diser stadt / die nicht hat bus gethan / nach der predig meines Euangelij. Thut hie den verstandt vff den

B ij da

da ist viel angelegen. Gehet nit mer so schläffertig vn̄ blind von heut vff morgen/in dem wol lust des fleisches/messet die zeit nit mer so grob wie jr pflegt/den̄ die hand des Herren ist starck Das abgöttisch volck thet in vierzig tagen bus zu der zeit da Jonas prediget / vnd jr geht die gang zeit ewers lebens/vom bösen ins erger/vn̄ wollet die stim̄ des Herren Jesu Christi nicht hören. Thut doch ein mal die ohren auff / vnd höret mit was Worten vns Christus zu seinem dienst ruffet: Wen̄ jr meine jünger wollet sein / spricht Christus / so gedenc̄t nit gute tag zu haben/den̄ jr müßt ewer creütz nemen vn̄ mir nach folgen / Als wolt er sagen / Ich wil nicht wens euch anders geht/den̄ jr gemeint habt/das jr vber mich klaget vnd spricht: Wenn ich gewüßt hette dz der dienst Christi ein stetigs Creütz were/ich het meines dings gewartet / vnd mich in solche geferligkeit nit geben / Ich gedacht ich wolt meinen nutz schaffen/vnd mit dem dienst mir nit schedlich sein. Dieweil der Herr dise klage zuuor gesehen / hat er vns verwarnet / wie ein rechter hauptman/vn̄ gesagt/wolt jr mit nach folgen / so vergeßt ewer selbst vnd opfert euch mir/mit ewerem Creütz tragen/vn̄ sehet nit hinder sich nach den weltlichen dingen / gehet mit krafft zu der aufferstehung der todten/auff das jr in der seligkeit genießet der dingen / so euch verheissen

verheissen sindt. Dese wort sind vnserm fleisch
ein harter biß/das wir vnser selbst verleugnen/
die welt/gut/ehr/vnd vnser eigen leben verach-
ten/also das wir nit böses mit bösem vergalten/
weñ wir des etwas nicht haben/sondern mit be-
stendigkeit Christum bekennen biß zum todt.

So last vns nun lieben brüder mit frölichkeit
das Creutz tragen/ auff das wir herrlich wer-
den/vor vnserm himlischen Vatter. Wir sindt
gewarnt / das wir durch vil trübsal müssen in
das himelreich gehn/ Also haben wir angefan-
gen mit der welt zukriegen/vnd jzt/do wir sol-
ten den ewigen sieg habē/werffen wir die weh-
von vns/tragen das fendlein Christi nit mehr/
vñ machen fried mit seinem feind. O böse Got-
tes verrether / wie durfft jr euch Christen nen-
nen? welche schandt ist grösser dann eines ver-
rethers? vnd jr geht dennoch so sicher dahin/als
tress es euch nit an/ Jr habt nur zu viel/die ver-
gangne zeit her/ ewerem fleisch gedienet / Be-
weiset doch ein mal das jr Gottes kinder seid/
vnd Brüder Christi / mit einem hertzlichen be-
känntnus/vnd mit heiligem leben. Spiegelt euch
in dem grewlichē vrtail des verleugners zu Pa-
dua/ Francisci Spira der in verzweiflung ge-
storben ist. Dz solt ein sporn sein/der euch reizet
die welt zu hassen vnd zuthun was zur seligkeit
dienet/mit forcht vñ begirlichkeit (als S. Paul)
mit Christo zusein.

B iij So

So laß vns nun wachen / vnd vnser lecht
brennen / das wir dem Herrn bald vff können
thun. Vnd ist jemals not gewesen / gut schilt-
wacht zuhaben / so ist es jzt zeit / Den die Got-
lose hure / kan sich nit gnugsam setigen von dem
blut der merkerer Christi. O selige knecht / die
je auff der wach stehet / des Herren zuwarten /
seid getrew / vnd in der bekentnis vergießt ew-
er blut mit frölichkeit / Warlich ich sage euch /
er würd sich garten / vnd euch zu tisch lassen
tragen / vnd euch dienen in dem gehofften vat-
terland / da alle trenen von ewern augen ab-
gewaschen werden. Wie vil König vnd Pro-
pheten haben begert dise tag zusehen / vñ ist inen
nit zugelassen gewesen? Was kan vnns dann
verursachen / das wir Christum verleugnen?
Welche forcht kan vns erhalten von dem mar-
tyrio? Welcher schatz ist so köstlich / das er vns
könnescheiden von dem Herrn? Der reichum
thut es nit / welcher macht das wir in vilerley
versuchung fallen / vnd bricht vns den hale.
Der Geizhals war Reich der den armen Laza-
zarum nit sehen wolte / vnd sine güter fürten in
in die helle / Die herrlichkeit der welt solt vnns
nit so hart anligen / das wir vmb der willen
Christum verleugnen sollen. Wenn du gleich
Weiser werest dann Salomon / Mächtiger
dann Nabuchodonosor / Glückseliger dann
Alexander

Alexander Magnus / was hettestu: müßest du
nicht das alles hinder dir lassen? Siehstu das
die macht diser Welt vergehet / wie ein schat-
ten / vnd du wilt von eines solchen dings we-
gen / Christum verlieren / welcher ist die weis-
heit / vnd schatz Gottes. Weil dan reichthumb
vnd weltliche eh: sindt ein schatten / ein traum
vnd ein eitelkeit / was sollen wir dann von dem
wollust des fleisch halten: welcher ein vorbot
ist des gegenwertigen zorn Gottes. Zu der zeit
Noah vnd Loth / hetten die leut alle ire sorg
gelegt auff essen vnd trincken / vnd wollust des
fleisches. Darumb sehen wir / das sie anders
dann sie meinten / plötzlich wurden vmbbracht.
Ir mögt wol sprechen / allein die forcht des
feyers macht / das wir alle sterck verlieren /
vnd Christum verleugnen. O lieben brüder / hie
seheth euch wol vmb / vnd wendet ewer augen
auff die sorg Gottes. Betrachtet vñ hertzgen die
verheiffung des Herrn / vñ laßt euch etwz ange-
legen sein an ewerem beruff / so werdet ir jauch-
zen in der Marter / vñ zu gleich mit den dreyen
jünglingen Gott loben in dem feuerofen / Den
je grösser die Marter sein wird / souiel grösser
würt euch die erquickung Gottes sein. Wisset ir
nicht dz wir frembdling in diser welt sind: Ein
fürsichtiger wanderer leidet mit gedult hunger
vñ durst / kelte vñ hize / schand / schmach / vñ alle

B iij vnehr

vnehr / vnd sihet kein mühe an / biß er an dem
ort komet / dahin er zureisen hat / Im ligt nicht
daran ob schon die herberg stinckt / er denckt
vff nichts anders / den vff heim. Die glaubigen
haben alle eines endes zu warten / welches ist das
ewig leben in Christo Jesu. Weil wir denn in
dem lauff diser welt sind / so last vns allen vn-
rath mit gedult tragen / alle schand / schmach
vnd trübsal / Denn wir sind außhalb vn-
sern vatterland in der herberg / last vnns fleis
haben / das wir vnserer ruh finden bey Christo
in vnserm ewigen vatterlandt. Wenn vns den
die Antichristischen Tyrannen mit der mar-
tung die reise kürzen / vnd machen das wir zu
Christo komen / inn die ewige seligkeit / solten
wir vnns nit schemen das feuer zu fürchten?
Wir sindt gewiß das der Herz für vnsorget /
ein härlin kan vnns nicht von vnserm Haupt
fallen / on den willen des ewigen Vatters / vnd
wir zweifeln ob Gott sorg habe für vnser lebē?
Ein vöglin kan nit vmb komen sonder on den
willen des himlischen Vatters / vnd wir haben
sorg / Gott werde vns verlassen in vnserer grö-
sten not. Wolan wenn schon Gott den zaum
henge / vnd die grausamkeit des Tyrannen
martert vnd tödtet vnsern leib / so wollen wir
vnns dennoch nit fürchten / Denn das ist der
gewin / den Christus suchet / bey denen / die mit
seinem

seinem geldt handeln / **S**ihe wie ein Heiliger
wucher / **D**u verleuerst ein zeitlich leben / vnd
vberkomest ein ewigs / **D**u verleurst die ehre der
welt / vnd wurst herlich im himel / **D**u hast
aufgezogen ein sterblichen leib / vnd wurdest
bekleidet mit einem vnsterblichen / **D**u verlest ein
vnuiges vnd trauriges leben / vnd lebst frölich
mit Christo ewiglich / wie kanstu ein grössern
gewin haben / dann disen? **O** beständige mar-
ter / wie machstu vns so Reich / vnserm fleisch
zu cruz / vnd wider seinen willen. **D**as ist die
gnad / inn welcher wir beruffen sindt / wenn
wir vmb des guten wercks willen leiden / auff
das vnser glaub (welcher viel köstlicher ist / den
goldt / das man durchs feuer bewert) erfun-
den werde / zu lob / preis vnd ehre / in der offen-
barung Ihesu Christi. **I**ch weiß wol wie mei-
sterlich vns der Teuffel die garn stelt / vnd ken-
ne auch wol die betrieglichkeit vnser fleisches.
Ich kan es nit sagen / on groß hertzen leidt / vnd
mit grosser anfechtung darinn ich lebe mit bit-
tern trenen. **I**ch elender mensch / der ich den
Herren inn einer stund tausentmal verleugnet
habe / damit ich leben möchte in dem Babilo-
nischen müffigang. **O** **H**err wie offt hab ich
wider dich getriget? **W**ie offt hab ich mich ge-
stelt / als wuste ich nichts vmb deine Religion /
C wie

wie offte hab ich dich öffentlich verleugnet: vnd
du hast mir das alles mit gedult vbersehen / Du
warttest der zeit meiner bekerung / vnd ich
want dir den rucken / Du hettest dir ein wo-
nung gepflanzt in meinem hertzen / vnd ich fan-
te dich nit. Dazumal entdecktest du mir deine
liebe / do ich gefangen ward vmb deines na-
men willen / wiewol ich vndanckbarer vnd
trewloser solche wolthat aufschlug. Ich sol-
te dich frey bekennen / do ich dich schendtlich
verleugnet / Ich solte mich frewen dein zeuge
zusein / aber die hoffnung des lebens / das ich
vermeint vnter dem Antichrist zu fristen / macht
das ich dein susses Joch ausschlug. O du lugen-
haffrige zunge / wie bistu des Hellischen feu-
ers wert? O du böser will / wie hastu mich
gehemmet / inn dem dienst des Antichrists?
Vnd wie wol ich bis auff den todt geschlagen
war / so sind doch meine gebein nie zerbrochen /
dann du **HERR** hast mich erhalten mit dei-
ner handt / Vnd do ich hoffte im friede zule-
ben / weil ich dich verleugnet hatte / da riffe-
stu alle meine anschlege zu ruck. Du Heiligest
mich zu deinem dienst / vnd brauchest mich zu
meinem heil / **HERR** du weist wie viel thre-
nen ich vergiesse / wenn ich an dise sünde ge-
denck / allein ich bit dich / dz wie du mich durch
deine

deine Barmhertzigkeit erlöset hast / von der
stinkenden Babylonia / vnd mir souiel her-
zens geben / das ich dich frey schrifftlich bekenn-
ne / du wollest mir souiel genad verleihen /
das ich mit Petro die verleugnung so ich ge-
than habe / wider verleugnen möge / für dem
stul des gewlichen vnd trewlosen Neronis.
Du hast mir das hertz erhitzt / das ich geneigt
bin vmb deine bekantnus zusterben / vnd war-
te nicht andere / denn das du mir die straf öff-
nest / vnd mir den weg weifest / damit ich nit
fürnemisch sey dich zuuersuchen. Wolan lieben
Brüder / last vns der welt die ferschen geben /
vnd last vns den willen des fleisches vnter die
füß treten / Last vns Christum bekennen vnd
last vns dises zeitlichen lebens nit achten / denn
wir werden es erhalten / in der ewigen seligkeit.
In der marter verleürt man das leben nit / son-
dern man gibts in die hand Gottes. Disen weg
ist Christus auch gangen / welcher lieber hat
wollen verlieren das leiblich leben / vnd an dem
Creüz hangen / denn wider den willen seines
himlischen vatters thun / Vñ sihe wo ist Christus
hingangen durch die strassen: Die hohenpriester
vñ phariseer meinte / sie hette in dem tod vberge-
bē / die hellē begrabē / Aber Gott gab jm macht
die ganze welt. In dem Namen Jesu Christi

C ij wer

werden alle knie gebogen / der himlischen vnd
hellischen vnd jrdischen. Sihe wie zu einer
grossen herrlichkeit ist Christus komen / durch
leiden der marterer / Das heupt wirdt aber nit
Herrlich on die glieder / Darumb sollen wir
vns frewen / das inn der marter / Christus mit
vns gelitten hat / damit er vns füret in das e-
wige vatterlandt. So last vns nun in der welt
sterben / das wir in Christo leben. Ein Lands-
knecht / Leidet Vngemach vmb ein we-
nig gewins willen / steht stets im todt bis an
den hals / vnd wir wollen nit das leben vmb
Christus willen lassen. Ein Kauffman leidet
souiell vngemach / zu land vnd wasser / in käl-
te vnd in hize / vnd im würd oft nach dem le-
ben gestelt / vnd er acht keiner geferlichkeit / das
mit er ein wenig guts vberkomme / vnd wir
sind so weich von vnfers nutztes wegen / von
Weltlicher ehr wegen / das wir vns schemen /
vnehr vnd den leiblichen todt zuleiden / vmb
des ewigen lebens willen in Christo Ihesu.

Die so vmb die wette lauffen / sehen sich nit
vmb / auff das sie nit das vergenglich kleinot
verlieren / vnd wir / so vmb das vnsterblich
kleinot lauffen / wollen vns nach der welt vns
sehen / vnd das ewig kleinot verlieren. O wir
vnfelige

vnſelige menſchen / wenn werden wir frey von
diſem ſterblichen leib? Wer den Geiſt Gottes
hat / der verzeihe ſich diſes lebens / vnd wunſch
den todt mit Paulo / auff das der mit Chriſto
möge leben. Gedanckt lieben Brüder / das wenn
wir mit Chriſto ſterben / ſo werden wir auch
mit jm leben / wenn wir mit jm leiden / So
werden wir auch mit jm regiern.

Darumb laßt vnns die weltliche ehr verlaſſen /
den reichthumb verachten / vnſers eignen le-
bens nit achten vmb der ehr Chriſti wil-
len. Laßt vnns allezeit bitten / das vns
der Herr den glauben mehre / vnd
ſtercke vns mit ſeinem Geiſt / zu
lob ſeiner Maieſtät / vnd zu
vnſerm heil /
AMEN.

Gedruckt zu Magdeburg.

Faint, illegible text at the top of the page, possibly bleed-through from the reverse side.

Einmal ist uns die Welt zu hell
von innen und von außen
das ist die Welt die wir
sehen und die wir nicht
sehen können
Das ist die Welt die wir
sehen und die wir nicht
sehen können
Das ist die Welt die wir
sehen und die wir nicht
sehen können
Das ist die Welt die wir
sehen und die wir nicht
sehen können

Faint, illegible text at the bottom of the page, possibly bleed-through from the reverse side.




AK 416, 33.

AK II, 2456

X22A2A65

ml



F. d. h.

Π i
2456

Unterbrieff Ciui-
ners an seine liben
alia / in welchem er sie
ermanet zur bestendig
ekantnis des waren
ichen glaubens.

Matthaei 10:
ennet für den menschen / den
r meinem himlischen Vatter
erleugnet für den menschen /
erleugnen ꝛc.

BIBLIOTHECA
PONICKAVIANA

UNIVERSITÄTS-BIBLIOTHEK
HALLE
(SAALE)

